

ताड्बो उड्गी लाम



चोवो कोन्छ्योक दुक सुड्गिनोक: लम्गी पर्ला लानि ल्होसा! ताड्बो उड्गी लाम टेड्बु ति केनि वे सिन टिसा। ती लामला राड युसा। तमा ख्यिरा मिजि थोक्ला डासोप दासा ड्येकितो।" यर्मिया ६:१६ क

ताड्बो उड्गी लाम

डोसीडेसी:

नेपालला वोतुप येन्देन वोतुप मीतुवा ताड मी ज्येन बडीकी सिन सिनोक, दुको नासाम तोड्गुप ति मेलोकपा यिन। दी पेजाकी ख्यिराडला काड छ्या देन्गिवी सिंसिन दि येशूला तेपा कितुप ति छ्यो च्यिक यिन सिन नासाड तोड्सिन दी ति जम्बुलिडकी तेरी सिनाड छ्यो ड्यिड्बा यिन।

इसाईकी गो चुवु ति साङ्गे चोम्देनदे केप सिनाड लो सयी चेडा सिनाड गोमाला कन्फ्युसियस, प्लेटो, अरस्तू ताड ज्येन छासे मीड ग्येर्पु ओतुप मीतुवा सिनाड गोमाला राड तन्दा इराकला चुड्नोक।

ती तुछेनला कोन्छ्योककी अब्राहाम मिड क्यावु मियीला क नाड्नोक (दी ति गोमी ख्योकपेजा ताड पुमपेजाला कोन्छ्योककी क्या नाड्गुप क यिन), ती क ला खोकी दाक्पुला दाक्पी दीक्पा ने थारजितुपला मी च्यिक दी जम्बुलिडला तोड्गुयी सिन सुड्नोक। ती मी तेरी मिरिककी मी थोक्ला मोलाम थोपुप यिन। दी क नड्गुप ति येशू दि जम्बुलिला फेवु सिनाड लो हजार ड्यी गोमाला जम्बुलिड ज्येडगुप कोन्छ्योककी खला तेपा कितुप लेन ति ताड्बो उडला इस्राएल लुड्बा टाम्नोक तेसुर येशू फेप्सिमा इस्राएलकी लुड्बी चिप्की लुड्बातुवा ताड युरोप लुड्बा साड दी लेन ति टाम्नोक। तेसुर जुक्ला दी लेन ति लुड्बा तेरीला टाम्नोक।

ती पेला ने ज्यु तान्दा सेक मी माड्छ्योकी ताड्बोउडकी लाम्ला तिड्याकिवे। दी उतुड टोड्टोड पे ला तन्दा जम्बुलिडकी मी मिरिक ताड लुड्बा लुड्बाकी मी माड्छ्योकी तिड्याकी वे।

त चेयी जुक्ला ख्यिरे लोपडोयी कितुप दी पेजी खिरा मीजी ति फो तेर्कीवी। तुकक्यानी दी पेजाला ल्येमो क्यान ड्येम्ने किसा। तमा दुको छेटाड दुडाल ताड दीक्पी जम्बुलिडला कोन्छ्योककी टेड्बु ति काड यिन सिन हककोवुला दल्जा कि सिन मोपार किसा। दि पेजा टिकुप अच्युकी ख्युरुडला ठेतुप नो क्या वे।

ताड्बो उड्की लामः यर्मिया ६:१६

तेरताड सिनाड गोमाला कोन्छ्योककी जम्बुलिड जेसुड, तेसुर जुक्ला गोमाला ख्योक पेजा ताड पुमपेजा, आदम ताड हब्बाला जोनि दुम्रोक् ल्येमुयी नाड्ला जाक्सुड। तीबेला खोकी दी दुम्रोक् नाड्गी दोड्बु च्यीकी डेवु ति मासो सिनि क च्यीक नाड्सुड। दाक्पी गोमी हाड्गावाकी कोन्छ्योककी बिन्दुप क ला माडेन्नि दी जम्बुलिडला तेरीला छेटाड ताड सेप छेर्पा खुरगोसुड। यिन्सिनाड कोन्छ्योक ति ड्यीड्ज्येवु यिन्दुप तप्कि मी ताड मुला तम्जी जोकुपला दीक्पा ने थरजितुप मी तोड्गिगी सिन क नाड्सुड दोजो मीतुवी खोकी क ला ड्येनदुप यिनसिन दिक्पा ने थरजिथुप्किवी।







“आदम र हब्बाला
आदनकी दुम्रोक् ने
तेनताड्सुड”
(उत्पत्ति ३:२२-२४)

बाइबलकी थेप नाड्ला आदम ताड हब्बाकी गीपाकी कोन्छ्योककी क ला मायु, यिने तुवी दीक्पा तिराड क्यान देसुड। तुक्यान कोन्छ्योककी नोआ मीड क्यावु मीयीला टु गेर्पुयी जो चिनी तेरी जम्बुलिडकी सेम्जेनला टु नाड्ला जोक सिन क नाड्सुड। तेसुर कोन्छ्योककी टोड्बा गेर्पुयी ताड्नी नोआकी मिजाडला मिसिन तेरीला ती टोड्बी ना ताड्सुड।



“नोआकी टु गेर्पुयी” (उत्पत्ति ६-८)

लुकसु नाम्बा नाम्बा बडीला टोक्पा गलुप पे ताड ताड्बो उड्गी लुकसुतुवा गिवी। यिने टुकी तेन्दोक हाक्कोवला गेमी ताम्डेला ताम सुम वे, ती ति टु, ग्ये ताड मीतुवा यिन। दी येम्जे लाङ्गु तेन्दोककी कोर्ला गेमी मी खामुतवी दी यिकी ति लो हजार सुम गोमाला राड गो चुनोक। चिलासिसिन दी यिकीकी कोन्छ्योककी सुड बाइबलकी टोक्पा गलुप तुछेकी कोर्ला लोप्किवी।
उत्पत्ति ७:१३

舟  + 八  + □  = 船 
 टु ग्ये मीतुवा टु ग्येर्पु

नोआ ताड तीकी मिजाड ताड तेरी नाम ताड सला देतुप सेम्जेनतुवा टु नाङ्गे थेन्नि जम्बुलिडला गोचुसिमा (उत्पत्ति ८:१८-१९), कोन्छ्योककी नोआ ताड तीकी मिजाडला लुड्बा तेरी फेल्लिस सिन क नाङ्सुड (उत्पत्ति ९:१)। यिने नोआकी मिजाडकी अम्बाराड्सीड क्यानि कोन्छ्योककी क ला माडेन। तमा बेबिलोन सिरुप तन्दा इराक लुड्बाला गेसा जोनि तेराड देसुड।



बाबेलकी खाड्बा सुम्दोक (उत्पति ११: १-९)

ती बेला मीतुवा ताम्डे बातम चिकराड किनोक। कोन्छ्योक देवाचेने जम्बुलिडला फेप्नि तुवी ताम्डे ति हलाहुला जोन कुतुक कुतुक जो बिन्नसुड। तमा तेसुर च्यीकी ताम्डे ज्येनकी हाक माको। (उत्पति ११:१-७)। गोमाला जोल्हमु मीजी क्यान देतुप मीतुवा मीजी ग्येङ्गुप कल्ले गाल। तेसुर ताम्डे च्यिकराड कितुप मीतुवा ताम्डे कुतुक कुतुक गल्लिसमा लुङ्बा तेरी टाङ्सुड, तमा तन्दा जम्बुलिडला वोतुप तेरी मिरिक मीतुवा गाल। तन्दा साड मीतुवा खोरो नुवाला काड नासाड सर्कीवे तिराड कियी कोन्छ्योककी नुवाला मुयुकिनोक।

मीतुवी दा-दाक्पी छ्योतुवा जोवु

दाक्पी गोमी पगवा हाडगावाकी कोन्छ्योकला टोडटोड कोन्छ्योक सिन ड्योसेसिनाड च्येयी जुक्ला तीवी रिक्पा ति तोरगल्लिन मीतुवी खोरो नासाडला काड सर्कीवे ती छ्योतुवा जोयी तीला राड छाकछ्योपा कियी गाल। ललैकी सिनोक, मी गोमाला सेम्जेन दोके नोक, ललैकी मीतुवा ति कोन्छ्योककी गिपा यिन। तुकराड क्यान ललैकी मीतुवा ति जम्बुलिड जेङ्गुप सिनाड गोमाला ज्युराड वे साड सिनोक। दाक्पु ति चुक्रे वासिनाड मीजी ल्येमु क्योड गोकिवी। यिने तुवी कोन्छ्योककी ड्याम माक्या। मीतुवी दोङ्बुला, टोक्पा चाङ्बुला, सेप पगावा हडगावाला, डिमा ताड उलाला के सोवा तेक्सुड। मी ललैकी याड मी तेरी कोन्छ्योकराड यिन सिनोक! मीतुवी कोन्छ्योकी क तुवा ताड कोन्छ्योक सिङ्खामला डोप तोङ्गी लाड ड्यिङ्बा टोक ज्येनोक।



यहुदी छ्यो



ईस्लाम छ्यो



हिन्दु छ्यो



बुद छ्यो



कुला सोवा देकुप छ्यो



कन्फुसियस छ्यो

खाक्येवु क च्यिक

लो हजार ज्यि (४०००) गोमाला कोन्छ्योककी ऊर सिरुप दासा तन्दा दी इराक लुड्बाला देतुप अब्राहाम मीड क्यावु मी मुला ताम्डे लाप्नोक। अब्राहाम ति इ. पू. २१६६ ति दासाला केनोक। तोजो बेला तीकी मीतुवी जोवु कु नाड ल्हलुतुवाला छाकछेपा ताड सोवा देकिनोक। तोजोयीराड बेला कोन्छ्योककी अब्राहामला खोरो पपा हामा , छेगाछाली ताड खोरो क्येवु लुड्बा क्युनजाकिन कोन्छ्योक छ्या तेन्दुप लुड्बाला ग्युक सिन क नाड्नोक। (उत्पति १२:१-३)



अब्राहामकी पेला इ.
 पू. २१०० की इराक
 ग्येसा
 (उत्पति ११-१२)

लो खाल दिन ताड ड (७५) ला अब्राहामकी कोन्छ्योककी सिक्वावु क ला इयेन्सुड। तमा कोनछ्योककी छ्या तेन्दुपः तन्दा इस्राएल सिरुप लुड्बाला गाल। ते कोन्छ्योककी अब्राहामला मोलाम सुम बिन्नाड्सुड। तेरताड सिनाड मोलाम खाक्छ्येवु ति "सि ख्युरुडला मोलाम तेर्किवी, तीला साड मोलाम नडिगवी, तमा सि ख्युरुडला मोताप देक्किवे, तीला साड ड मोताप देपिन। तमा ख्योरो थोक्ने जम्बुलिडकी तेरी गिपातुवी मोलाड थोक्कितो। (उत्पति १२:३)।

अब्राहामकी खोरो पपा आमा
 ताड खोरो क्येवु लुड्बा क्युन
 जाकुप (उत्पति १२:१-४)



अब्राहाम ति यहूदी(इस्राएल) तुवा ताड अरबीतवी पपा चुड्सुड। गोमाला तेरी पागावा हडगावा ने चिलाप डेयतुपजा , यिने तन्दा अब्राहामकी गिपाने दि चिलाप तेरुपलाकी कोन्छ्योकी बिन्नाड्सुड। उत ३:१५।

कोन्छ्योककी अब्राहामकी पुज्युड इसाहाक ताड तीकी नाति याकूबला साड दी मोलाड ति नाडसुड। कोन्छ्योककी याकूबला पुज्युड च्युड्डी बिन्सुड। तुवी गीपा ति मिश्रकी दुक्टा ग्येल्वु की ओडला योक्पुला देगोसुड। ती दुक्टा ग्येल्वी तुवाला छासे छेटाड दुक्पा बिन्नि लाकातुवा कुसुड (प्रस्तान १)। तेसुर जुक्ला इ. पू. १४४६ ला कोन्छ्योककी तुवी मोपार थोनि ती छेटाड दुडाल ने थर नाङ्गुपला मोशा सिरुप मीयीला ताड्सुड।

थर्वा नाङ्गुप मोशा

कोन्छ्योककी मोशाला गेल्वु फारोकी चिप्ला गल्नि गोड्बा शोपला कताङ्गुबेला लो खाल ग्ये (८०) लेप्नोक। ड्ये मीतुवाला डो चि! (प्रस्थान ३) ग्येल्वु फारोकी गोमाला याड मोशाकी ताम्डे माडेन, यिन्सिनाड कोन्छ्योककी तीवी लुड्बाला दुडालतुवा ताड्सुड। तेसुर तुवी इस्राएलीतुवाला डोचिसुड (प्रस्थान ४-१०)। तिङ्मी दुडाल हुगु गोमाला कोन्छ्योककी मोशा थोक्ने तेरी इस्राएली खाड्बी नाङ्गुला शुकु गे लोला रेरु सेनि तीकी ठाक कु सिनि क बिन्सुड। ती ठाककी कोन्छ्योककी लेन क्योलुप मी मिश्रीला छेर्पा तेरुपबेला तुला होकिनोक।




ना तोङ्गुप कोन्छ्योककी लेन क्योलुप
ने इस्राएलीतुवाला होकुपला रेरु ठाक
गे लोला कुवु (प्रस्थान १२:२१-२३)

यहूदीतुवी कोन्छ्योककी क ला इयेन्नि तुवी खाड्बी गे लोला रेरु ठाक कुसुड। ना तोङ्गुप कोन्छ्योककी लेन क्योलुप फेवु बेला गे लोला रेरु ठाक कोवु थुङ्सुड, तमा ती खाड्बी मीतुवाला होक चिसुड। ठाक माकुवु खाड्बी मीतुवी खाड्बी पुज्युड छ्ये ति सेसुड।

तेसुर फारोकी यहूदीतुवाला मिश्रने डो चिसुड। तोजोबेला यहूदीतुवा तोमिसी लाख खलजी चोयी मीश्री लुड्बा ने मोशा गोमा क्यान थर्वा नाङ्सुड। लोड गेल्वु फारोकी सेम ति फोनि इस्राएलीतुवाला सोरुपला खोरो माङ्मीतुवा ताङ्सुड। यिने कोन्छ्योककी ते हलेवा लाका ति ग्येम्छ्योकला फेका डिय जोनि यहूदीतुवाला ग्येम्छ्योक फार्केन डोप सेक दल्जा क्यासुड। तमा फारो माङ्मीतुवाला ति ग्येम्छ्योक पर्ला नुम चिनि ना ताङ्सुड (प्रस्थान १४)

कोन्छ्योककी क

कोन्छ्योककी इस्राएलकी मीतुवाला सीनै सिरुप रिला टि फेप्सुड। ते खोकी क चिथाम्बा बिन्नाडसुड। मी तुवी ती क ति खोकी गिपा यिन सिरुप ता छ्या देन्दुपला इयेन्दुप थाकछेसुड। कोन्छ्योककी खोरो क बिन्दुप दोके क्यानी मीतुवाला दल्जा कितुप नो क्यासिनाड इस्राएलीतुवी खोकी क्यावु गुण ति टोक जेसुड तमा खोला तमा खोकी छ्या तेन्दुप लाम डिङ्बा ति टोक जेनि खोरो लामला राड युसुड।



मोशाकी सीनै सिरुप रीला का
चिथाम्बा इयेवु (प्रस्थान २०:१-२१)

तिवी दिक्पी छेर्पा तेरुप थोक्ला

खोकी का चिथाम्बाला माङ्ग्येन्सि इस्राएलीतुवाला ना तोङ्गुप बदल्लीला कोन्छ्योककी छ्याकछेपा कितुप दासाला मडि मेतुप ल्येमु रेरु खुन हुगु का ति तुवाला बिन्सुड। दिक्पा कितुप मि ती रेरु गोला लाक्पा जाक्विन खोरो क्यावु दिक्पा ताड लाका दुक्टा ति ती रेरु खला फोन तेरगोकिनोक। तेसुर ति रेरु ति दिक्पी छेर्पाकी थोक्ला सेकिनोक। दी तेरि लाका ति इ. पू. १४०० सिनाड गोमाला किनोक, यिन्सिनाड मीतुवी कोन्छ्योकक ताड खोकी लाम डिङ्बाला टोक जेनि खोरो लामला राड युसुड।



मीतुवी क्यावु दिक्पा ति
रेरुला फोनि बिन्दुप
(लेवी १:४)

ताङ्बो इ पू १००० सिनाड गोमाला कोन्छ्योककी अब्राहामकी गिपा दाउदला इस्राएलकी ग्येल्बु जोनाडसुड। दी ति नेपाल लुङ्बा साङ्गे चोङ्देनदे केप सिनाड सयी डा गोमाला यिन। आदम ताड हब्बाकी जुक्ला अब्राहामला कोन्छ्योककी का नङ्गु गीपा ति दाउदने चुङ्गिगी। चिलासिसिन दाउदकी ग्येलखाप ति छासे छेरिङ्बु गिगी सिन कोन्छ्योककी सुड वे। जुक्थामी ग्येल्बु ति दाउद चुङ्गिगी सिन भजन २:७ ला ताड मती १:१ ला टिवे।

डिमा ताक्पा डिमा गायी डोपबेला कोन्छ्योककी का नाङ्गु ति छ्येवुला दाउदकी कोर्ला ज्येन लेन तेरुपला कोन्छ्योककी ज्येन लुङ्तेम्बातुवा ताङ्गुसुड। इ.पू. ८०० ला लुङ्तेम्बा चिक्ला खोकी सेवु ति बेथलेहेम सिरुप ग्येसा टिक्पेयीला केकितो सिन लुङ्तेम्बाकी नन्दार सेसुड (मीका ५:२)। इ.पू. ७२० ला लुङ्तेम्बा च्यिककी दी ग्येला कितुप ति पुमपेजा खाङ्गोमायी खोक्ने केवी यिन्सिनाड खोला ति खोला नमसाड मिसिवुकी पपा सितो सिन (यशैया ६:६)ला सिक्वावे।

छासे हल्लेवु लङ्गु मीयी केताड

लो हजार डिय गोमाला ताड्बो उङ्गी इस्पाएलला लेन क्योलुप कोन्छ्योककी मी मरियम सिरुप पुमपेजा ते छासुड। खो ति नासरत सिरुप युलयी ला देकिनोक। तीला लेन कोलुप मीकी पुज्युड चिक केवी तमा तीकी मीड ति येशू जोक, चिलासिसिन तीकी खोरो मीतुवाला दीक्पाने थरजिकिवी सिन सिक्क्यसुड। ती लुड्बि ग्येल्वी तेरी लुड्बी मीतुवी मिन टिकगोकिवी सिन बिन्दुप कला ड्येन्नि मरियम ताड योसेफसाड मीन टिकुपला बेथलेहेम दासाला डोगोसुड।



‘खाड्डुड्मा मरियमकी
बेथलेहेम लुड्बा येशूला केउ
(लूका २:१-७)

ते कोन्छ्योककी बिन्दुप का ति छेयी मरियमकी छुड्मी गोठे नाडला येशूला केसुड लुका २:१-८।

ती नुपला बेथलेहेमकी छुड्मी गोठालातुवी गोमाला नाम्खा ने लेन क्योलुप मी छार्नि दुक पाङ्गुयी बिन्दुसुड, “हारिड दाउदकी ग्येसाला ख्यिरा थोकला दीक्पाने थरजितुप चोवो ख्रीष्ट केनि वे। लुका २:११



येशू ति बेथलेहेमला केसुड
सिन लेन क्योलुप मी
गोठालातुवाला लापु
(लूका २:८-२०)

इसाएल लुङ्बाला वानि दि ग्येल्बु सम्बी ओड ज्येतुपला मी रिक्पा वोतुपतुवाला लाम छ्या देतुपला कर्मा ग्येर्पुयी शार्सुड (मती २:१-१२)। दी आडा येशू इ पू १००० गोमी यहुदी ग्येल्बु कोन्छ्योकला ड्वोमेसेवु गीपा नोक'। तमा दाउद ति इ पू २००० बेला अब्राहामकी गीपा नोक।


येशू ति नासरत सिरुप दासाला गर्पु गाल। खो ति छासे रिक्पा वोतुप मी नोक, ती लुङ्बी मी तेरीकी खोला गा किनोक। खो ति लो खल्सुम लेप्सिमा कोन्छ्योककी दी जम्बुलिडला तङ्गुप लाकातुवा क्यानाड्सुड। तिकी थोक्ला राड खो ति दी जम्बुलिडला ताङ्नोक। येशूकी खोरुड ति कोन्छ्योककी शेवु यिन सिन सुङ्नाड्सुड। तमा ड ताड पपा चिक्पारा यिन साड सुङ्नाड्सुड (युहान्ना १०:३०)। येशू ति जुक्थमा ने जुन कोन्छ्योक यिन। यिने खो मी मिलु लानि लानि फेप्सुड (युहान्ना १:१४)। खोकी ड अब्राहाम सिनाड गोमाला राड वे सिन साड (यूहान्ना ८:५८) सुङ्सुड। ड राड यिन सिरुप ताम्डे ति सियी येशूकी ताङ्बो उङ्ने जुन खाक्छ्येवु मी अलेक्जेण्डर, सुकरात, कन्फिसयस ताड बुद् सिनाड गोमा ने ज्युन खोकी पाङ्बु बिननाड्सुड।

खोकी राड दी जम्बुलिड तेरी जेनाड्सुड (युहान्ना १:२-३, कलस्सी १:१६) तमा तन्दा साड खोकी ज्येवु तेरीकी थोक्ला ह्योड नङ्गिगी कलस्सी १:१७, हिब्रु १:३।

दीक्पा मेतुप मी च्यिक

कोन्छ्योक ति नरी चाडसु सेम्बा यिन्सुप तप्कि दीक्पाला डिङ्मार किवी। यिन्सिनाड येशूकी मीतुवी क्यावु दीक्पाकी छेर्पा तेरुपला फेवु मिन। यिने तुवी दिक्पी छेर्पा ति खुरुपला लुकरु दोके क्यानि सेप जिन्बा तेरुपला फेपनाड्सुड। येशूकी कोन्छ्योककी ग्येलखापकी येन्देन तेरुप थुङ्सिमा ती बेला लुङ्तेम्बाकी “ल्हो ताड जम्बुलिडकी दिक्पा खुरुप कोन्छ्योककी लुकरु सिन (युहान्ना १:२६) सिक्पासुड। येशूकी दी जम्बुलिडला ज्युबेला कोन्छ्योकी नुवला वोतुप मीजी क्याड्सुड तमा नमसाड दिक्पा माक्या।(हिब्रु ४:१५, १पत्रुस २:२२, १युहान्ना ३:५)

खो ति दाक्पी मी दोके चो खोप्पा ल्हाप ताम्डेला खेल्सिनाड दिक्पा माक्या। खोकी मी नेर्पु बडिला टेक चिसुड, तमा हेण्डी ग्येपुप हेण्डीतुवा थेन्सुड। मीक मुथुङ्गु मीतुवाला मीक थुङ्गुप जो नाङ्सुड (मति ६:२७-३५)। तमा सेप मीतुवाला साड सेप ने सेन्बु लाङ्सुड युहान्ना ११:३८-४४)। येशू ति छि खला साड युसुड (मती १४:२२-३३)।



येशू ति छि खला साड युसुड
(मती १४:२२-३३)।

दी जम्बुलिड जेगुपसिनाड गोमाला कोन्छ्योककी थाकछेनङ्गुप लाका छेवुला, येशू ति लो खल्सुम ताड सुम लेवु बेला (प्रेरित २:२३) खोला कोन्छ्योकला मारेतोङ्गुप सिन




येशूला दाक्पी दिक्पी थोक्ला
ग्याडसिडला काल्सुड
(मती २७:२४-६२;
यूहान्ना १९:१७-४२)।

लोमा छ्येतुवी क्योन चिनि जिमचिसुड। तमा छेटाड दुडाल बिन्नि रोमी ठिम कितुप मी खोला सेतुपला च्याक तेसुड। यिन्सिनाड खोकी काड तुको सेप छेर्पा खुरुप लाका मेलोकपा माक्यासिनाड ग्येडसिडला कल्नि सेसुड। (युहान्ना १८:३८, १९:४,६)। दी तेरी लाका ति कोन्छ्योककी राड थाकछेनि चुङ्गुप पाङ्बु यिन (प्रेरित ४:२७-२८, प्रकाश १३:८)।

चिलासिसिन कोन्छ्योककी जम्बुलिडल छासे क्या नाङ्सुड, खोकी मुला वोतुप सेवु (येशू) दाक्पी थोक्ला बिन्नाडसुड, सि खोला तेपा किवे नमसाड ना मोडोयी यिने

तिकी मीजी रिङ्बु थोप्किवी (युहान्ना ३:१६)

येशूला ग्येडसिड खला काटी दाम्नि काल्सुड, खो ति दाक्पी दिक्पी थोक्ला सिसुड तमा मुक्तुम ग्यप्सुड।



“सेप ने डोसु लासुड (मती २८;
१ कोरिन्थी १५:३-६)

यिने डियमा सुम तिड्ला येशू सेप ने सेन्बु लासुड। मुक्तुम जकुप दासाने शेन्बु लावु ति ५०० मीतुवी थोड्नोक, तमा तुवाला पाड्बा तापनोक। खोकी तुवीमुला फारछुर युनाड्सुड, तमा डियमा ४० सेक तुवाला छ्यो लापनाड्नोक।

ड लोड लोकिन गितो सुडिन खो देवाचेनला फेप्सुड (युहान्ना १४:२-३, मती २६:६४, मर्कुस १४:६२)। खो ळोड फेवुबेला तेपा मिकितु मीतुवा ति ना डिवी (युहान्ना ३:३६, ८:२४)। खो जुक्थामाला दी जम्बुलिङकी ठिम कितुपला फेक्किवी (प्रकाश १६:११)।

देवाचेनला फेयीकितुपबेला लोमातुवाला दी लेन ल्येमु ति लुड्बा तेरीला सुडा तमा तेरीकी कोन्छयोकी ताड्बो उड्गी लाम डिड्बा ति ड्येसी सिन का नाड्सुड मती २८:१६, प्रेरित १:८)। ती बेला ने ज्यु खोकी सुड ति जम्बुलिङ तेरीला टामनोक।

ताड्बो उड्की लाम

येशू देवाचेनला फेप्सिमा मी बडी दाक-दाकपी नोवाला काड सर्किवे तुकराड क्यासुड, तुवी कोन्छ्योकला ड्याम मक्या (मती ७: १३-१४)। मी ललैकी छ्यो डिड्बाला ड्याम क्यान देसुड। ललैकी छ्यो सम्बातुवा जोनी तिवाला तेन्नि देसुड, तमा कोन्छ्योककी छ्या तेन्दुप लाम डिड्बाला ड्याम माक्या। दी लाम ति हजार टुक सिनाड गोमाला कोन्छ्योककी दाकपी पगवा हाड्गावा मुला थकछेनाड्नोक। दाकपी दीकपा ने थरजितुप फेवु कोर्ला ताड्बो राड अब्राहामला का बिनसिन्नोक (उत्पति १२:३), तमा अब्राहामा छेरिड्बु शेवु सिन सुड्नोक(भजन २:७, मती १:१)। कोन्छ्योककी कला माड्येन्नि दिक्पा कितुपतुवाला दीकपा पड्गुप लाम ति येशू यिन (युहान्ना १४:६)। खोकी दाकपी दीकपी थोक्ला खोरो मीजी ति दाकपु खुरगोवु छेर्पा खुरूपला ग्येडसिड लोला कल्नि टुड्सुड(युहान्ना १:२६, एफिसी १:७, प्रकाश १:५)।

दुको खाकछेवु टेड्बु ति दाकपी मुला वे। येशूला खो ति दाकपी दीकपी थोक्ला क्रुसला सेप यिन सिन तेपा क्यासुड सिंसिन खोकी दाकपी दीकपा पाड तेर्किवी। तमा लोड कोन्छ्योक ताड मुला तम्जी ल्येमु जो थुप्सुड (१पत्रुस२:२४, २ कोरिन्थी५:२१)।

त दाकपु नरि कोन्छ्योक ताड मुला तम्जी ल्येमु जोन गा ताड किर्मु मुला मीजी क्येडथुप्किवी। (युहान्ना १०:२८-२९)। दाकपु राड छ्यो साड्बा जोन देवाचेनला डोप छलुप ति रिक्पा मेतुप मी यिन (रोमी १०:१-३)। दोजो दाकपु दाकपी रिक्पाला ड्याम माक्यानि कोन्छ्योककी सेवुकी लामला ड्याम ताड मोवा क्यासुड सिंसिन दाकपु दिक्पा ने थरथुप्किवी। तमा नरी कोन्छ्योक ताड मुला तम्जी ल्येमु जोन मिजी क्याड थुप्किवी (प्रकाश २१:१-४)।



येशूकी सुइसुड, ड लुकगोठाला ल्येमु यिन, सि खोरो लुकतुवी
थोक्ला खोरो मीजी तेर्किवी, (यूहन्ना १०:११; १ पत्रुस २:२५)

येशूकी सुडवे, लाम, टेड्बु ताड मीजी ति डराड यिन। ड थोक्ने मिसिन सुड पपा
कोन्छ्योक चाला डो मुथुवी (युहान्ना १४:६), ए तेरी येन छ्येवु ताड दुक्पी
ओइला वोतुप, ड्ये चाला शोक, ड ख्यिराडला येन छेतुप दासा तेरिन
(मती ११:२८)।

काड ख्युरुड कोन्छ्योकला ड्वो स्येवु नो वे? काड ख्योरो दिक्पा दुक्पा तेरी ने
थरुप नो वे युहान्ना ५:१३?

येशूला ख्योरो दीक्पातुवा पाड नाड सिन सुड। तमा नरी ख्यिराडला दाल्जा
कितुपला खोला सेमकी दीङ्ने ज्युन तेपा किसा (युहान्ना ३:१६)। खो ख्योरो
मीजीला फेप्किवी तमा ख्योरो मीजी ति फो बिन्नि तमा खोकी सेम ति दाक्पी
नाड्ला लुड तेर्किवी (प्रकाश ३:२०, इजकिएल ३६:२६-२७)।

दोजो दी ताङ्बो उङ्की लामकी कोर्ला माङ हक्कोवु नो
वोसिन चिप्ला वोतुप येशू खाङ ताङ खोला डो सेवु मी
छ्येतुवा मुला टेनि ताम्डे किसान।

यो पुस्तिका अध्ययन गर्नु भएको लागि धन्यवाद
परमेश्वरले तपाईंलाई आशिष दिनु भएको होस् ।

-आमेन -



‘हे सबै थाकेका र बोभले दबिएका हो, मकहाँ आओ, म तिमीहरूलाई विश्राम दिनेछु।’ (मत्ती ११:२८)। -येशू ख्रीष्ट



SHERPA EDITION